


Ibsa Suuratu Qiyaamaa-Kutaa 2

Description

Kutaa darbe irraa ibsa suuratu Al-Qiyaamaa itti haa fufnuu.

Namni wanta hojjatee dabarsee fi wanta dirqamaa osoo hin hojjatin dhiise hundi isatti himama




â€œ(13)-**Namni Guyyaa san wanti inni dabarfatee fi duubatti dhiise itti himama.**â€ Suuratu Al-Qiyaamah 75:13

Wanti inni dabarfatee jechuun gaariis taâ€™ee badaa irraa wanta hojjatee dabarse. Wanti inni **duubatti dhiise** immoo wanta dirqama isatti taâ€™ee osoo hin hojjatin kan dhiisedha. Fkn, salaata, zakaa, sooma fi kkf.

Kana booda hiikni aayah: Guyyaa Qiyaamaa jirenya addunyaa jirenya qormaata tan taate keessatti wanta hojjateef yommuu qoratamu, gaariis taâ€™e badaa hojiin inni hojjatee dabarse hundi isatti himama. Ammas, wanta duubatti dhiisee fi tursiise, kana jechuun wanta isarratti dirqama taâ€™ee osoo hin hojjatin dhiise hundi isatti himama.

Hojiin namni jirenya addunyaa keessatti hojjate jecha â€œeqaddama (fuunduratti dabarfate)â€ jedhuun ibsame. Sababni isaas, *hojiin inni hojjate isa dursuun gal mee hojii keessatti galmaaâ€™a*.

Hojiin dirqamaa namni jirenya addunyaa keessatti hin hojjanne immoo jecha, â€œAkkara (duubatti dhiise)â€ jedhuun ibsame. Sababni isaas, *namni Guyyaa Qiyaamaa yommuu iddo qorannoo dhufu, hojiin dirqamaa inni hin hojjanne isa waliin hin dhufu*. Yeroo jirenya addunyaa keessatti osoo hin hojjatin akka dhiise ni hubata. Adeemsa jirenya isaa keessatti hojii isarratti dirqama taâ€™ee duubatti kan hafuu taasise. Isatti gonkumaa deebiâ€™u akka hin dandeenye ni hubata. Umrii wanta isa jala darbe itti dhaqqabu dandaâ€™u jiraate ture. Garuu inni hanga duuti isatti dhuftutti kana hin hojjanne. Guyyaa Qiyaamaa marsaan qormaata isaa dhumachuun marsaan qorannoo, murtii fi jazaa ni jalqabama. [1]



â€œ(14)-**Dhugumatti namni of irratti ragaa bahaadha.** (15)-**Osoo sababoota isaa dhiyefateyyuu.**â€ Suuratu Al-Qiyaamah 75:14-15


Qurâ€™aana gara afaan biraatti dhibbaan dhibbatti hiikun waan ulfaatuf, wanti armaan olitti hiikame akka tafsiiraa (ibsaati) malee guutumaan guututti aayah Qurâ€™aana bakka hin buâ€™u. Mee ibsa

armaan olitti kennname waliin ibsa dabalataa ilaaluun aayah tana ifa haa goonu.

As keessatti jechoota ijoo lama hiika guddaa qaban haa ilaallu:

Basiirahâ€“ kana jechuun sochii nafsee isaa, fedhii isaa, niyyaa isaa, hojji gaarii fi badaa isaa sirritti kan arguu fi beekuudha.[\[2\]](#)

Namni hundu wanta hojjate sirritti beeka. Namni kijibu addunyaa guutuu gowwoomsu dandaâ€“TMa, garuu mataa ofiiti kijibaa akka taâ€“TMeet ni beeka. Namni hatu tooftaa kuma yakka isaa itti dhoksu baasu dandaâ€“TMa, garuu hattuu akka taâ€“TMeet of beeka. Namni kufrii, eetizimi (atheism) fi shirkiitti lixuun namoota amansiisuuf ragaalee sobaa dhiyeessu, kufriin, eetizimin fi shirkiin dogongora akka taâ€“TMeet nafsee isaa keessatti ni beeka. Namni zaalimni haqaa fi mirga namootaa sarbuu fi nyaatu hojiin isaa kuni badaa akka taâ€“TMeet sirritti beeka. Kanaafu, Guyyaa Qiyaamaa yommuu dadhacha qorannootti dhiyaatu, kaafirri hundi, munaafiqni hundi, namni badaa fi yakkamaan hundi wanta addunyaa keessatti hojjate takka takkaan beeka.[\[3\]](#) Kanaafu, namni hundi wanta hojjate sirritti waan beeku fi arguuf nafsee ofii irratti ragaa bahaadha.



â€œOsso maâ€“TMaaziira isaa dhiyefateyyuu.â€“ Suuratu Al-Qiyaamah 75:15

Kana jechuun osoo nafsee isaa qulqulleessuuf sababoota sobaa uumuuf yaaleyuu namni wanta fokkuu nafsee isaa, yakka ishii, dogongora ifatti bahee fi dhoksaa guutumaan guututti beeka.[\[4\]](#)

Maâ€“TMaaziirajechuun nafsee ofii badii irraa ykn hanqinna irraa qulqulleessuuf ragaalee, sababoota fi rakkolee namni dhiyefatuudha. Amaariffaan, â€œاَسْأَلُكُمْ مَا لَمْ تُعْلَمْ وَمَا لَمْ تَرَوْ, Ingiliffaan â€œexcusesâ€“ jechuun hiikan. Fakkeenyaaaf, mana barnoota ykn qormaata irraa yoo hafte, ragaa, sababa ykn rakkoo itti hafteef ni dhiyefatta. Ammas, namni badiin yakkame, nafsee ofii yakkaa irraa qulqulleessuuf ragaa, sababa fi rakkoo ni dhiyefata.

Yeroo baayâ€“TMeet maâ€“TMaazirri sobaan kan walitti makameedha. Akka lugaa Yamaniitti maâ€“TMaazir hiika, â€œهَاجِعًا إِلَيْهِ الْمَرْءُ يَوْمَ الْقِيَامَةِ, Maâ€“TMaazir hiika â€œرَاغِيَّةً إِلَيْهِ الْمَرْءُ يَوْمَ الْقِيَامَةِ, huguggi namni hanqinnaa fi badii isaa ittiin haguugu fakkaata.

Namni ragaalee fi sababoota sobaa dhiyefatu badii isaa ittiin dhoksuuf carraaqa. Kan kana godhuuf nama qulqulluu taâ€“TMuu akka isaaf murtaaâ€“TMufi. Garuu Guyyaa Qoranno ragaalee fi sababoonni sobaa inni dhiyefatu Rabbiin biratti homaa isa hin fayyadan. Rabbiin isaa fi wanta dhoksaa nafsee isaa sirritti beeka waan taâ€“TMeef. Wanti dhokatu tokkollee Isarraa hin dhokatu.

Guyyaa Qiyaamaa namni wanta addunyaa keessatti hojjataa ture takka takkaan yaadata. Kanarratti dabalatee, galmeen hojji isaa xiqqaa fi guddaas walitti qabu malee hin dhiifne isaaf dhiyaata. Galmeen kuni wanti inni hojjate, dubbate, itti amanee fi niyyaa isaa hunda kan of keessatti qabateedha.

Ammas, kanarratti dabalatee, gogan isaatii fi kutaaleen qaamaa badii ittiin hojjate isa irratti ragaa bahu. Kana hunda Qurâ€“TMaanni fi hadiisonni Nabiyyii ni agarsiis.

Namni Guyyaa san wanta hojjatee dabarsee fi osoo hin hojjatin dhiise isatti himama. Garuu inni badii hojjate kana ni morma, mirkaneessu ni dida. Ragaalee fi sababoota sobaa isaa dhiyefachuuf yaala. Ragaalee fi sababoota kanniin dhiyefachuuf osoo yaaleyyu nafsee ofii keessatti wanta hojjate fi dhiise siritti beeka.[\[5\]](#) Qaamoleen isaa isarratti ragaa bahu.

â€œRagaalee fi sababooni sobaa isaan dhiyefatan maalidha?â€ jedhe namni gaafachu dandaâ€™a. Qurâ€™aanni iddo adda addaatti kana ibse jira. Isaan keessaa:



قَالُوا رَبَّنَا غَلَبَتْ عَلَيْنَا شَقْوَتُنَا وَكُنَّا قَوْمًا ضَالِّينَ

â€œGooftaa keenya! Shiqwaan keenya nu injifate, nutis ummata jallatan taane.â€ Suuratu Al-Muâ€™minuun 23:106

Shiqwaa jechuun rakkenna cimaa, dararaa, jallinna. Shiqwaan faallaa gammachuuti. Inni shaqiy yommuu jedhamu, â€œInni nama rakkenna cimaa keessa jiru gammachuun kan hin qabne jechuudha. â€œ **Shiqwaan keenya nu injifateâ€** jechuun jallinni nuti fedhii lubbuu, hawwii qullaa fi faaya addunyaa irraa faayda gabaabdu ittiin hordofne kunoo nu mooâ€™achuun rakkenna cimaa amma keessa jirru kana nutti fidee jira.[\[6\]](#) Fedhiin lubbuu isaan hordofan isaan mooâ€™achuun rakkoo cimaa kanatti isaan geesse. â€œFedhii lubbuutu nu mooâ€™ateâ€ jechuun Guyyaa Qorannoo sababa dhiyefatu. Garuu kuni isaan irraa hin fuudhamu. Osoo qajeelcha Gooftaa isaanii irraa dhufe hordofanii silaa fedhiin lubbuu isaan hin mooâ€™atu ture.

Ammas sababni biraan dhiyefatan:



وَقَالُوا رَبَّنَا إِنَّا أَطَعْنَا سَادَتَنَا وَكُبَرَاءَنَا فَأَضْلَلُونَا أَسْبِيلًا

Ni jedhu, â€œGooftaa keenya! Matooti keenyaa fi gurguddoota keenyaaf ajajamnee karaa [qajeelaa] irraa nu jallisan.â€ Suuratu Al-Ahzaab 33:67

Sababni dhiyefatan kunis isaan hin fayyadu. Matootin (hoggantoonni) fi warroonni gurguddoon isaanii qalpii isaanii irratti aangoo hin qaban. Isaan faallessun karaa qajeelaa Gooftaa isaanii hordofuu ni dandaâ€™u turan.

Kutaaleen Qaamaa Nama irratti ragaa bahuu

Qurâ€™aana irraa Guyyaa Qiyaamaa kutaalee qaamaa namarratti ragaa bahuu mee haa ilaallu:

إِذَا مَا جَاءُوهَا شَهَدَ عَلَيْهِمْ سَمْعُهُمْ وَأَبْصَرُهُمْ وَجُلُودُهُمْ بِمَا كَانُوا يَعْمَلُونَ ﴿١﴾
 جُلُودُهُمْ لِمَ شَهِدُتُمْ عَلَيْنَا قَالُوا أَنْطَقَنَا اللَّهُ أَلَّذِي أَنْطَقَ كُلَّ شَيْءٍ وَهُوَ خَلَقَ كُلَّ
 شَيْءٍ وَإِلَيْهِ تُرْجَعُونَ ﴿٢﴾ وَمَا كُنْتُمْ تَسْتَرُونَ أَنْ يَشَهَدَ عَلَيْكُمْ سَمْعُكُمْ وَلَا
 كُمْ وَلَا جُلُودُكُمْ وَلَا كِنْ ظَنِنْتُمْ أَنَّ اللَّهَ لَا يَعْلَمُ كَثِيرًا مِمَّا تَعْمَلُونَ ﴿٣﴾
 كُمْ ظَنِنْتُمْ أَلَّذِي ظَنِنْتُمْ بِرَبِّكُمْ فَأَصْبَحْتُمْ مِنَ الْخَاسِرِينَ ﴿٤﴾

â€œ(20)-Yeroo ishii bira dhufan dhageettin, argituu fi gogaawanisaanii waan isaan dalaga turaniin ragaa isaan irratti bahu. (21)-Gogaawanisaanitiin, â€œMaaliif ragaa narratti baatuu?â€ Jedhu. [Gogaawanis] ni jedhu, â€œRabbii wanta hundaa dubbachiisetu nu dubbachiise.â€ Inni yeroo jalqabaa isin uume. Garuma Isaatti deebifamtu. (22)-Dhageettin, argituu fi gogaawan keessan isin irratti ragaa bahuu irraa of hin dhoksitanu turtan. Garuu Rabbiin wanta hojjattan baayâ€™ee kan hin beekne taâ€™uu yaaddan.(23)-Suni yaadaa keessan kan isin Gooftaa keessan ilaachise yaaddantu isin balleesse. Kanaafu, warra kasaaran keessaa taatan.â€ Suuratu Fussilat 41:20-23

Guyyaa Qiyaamaa warri kafaran hiriiraan walitti qabamanii gara Jahannam oofamu. â€œYeroo Jahannam bira gahan, dhageettin, argituu fi gogaawanisaanii waan isaan dalaga turaniin ragaa isaan irratti bahu.â€

Kana jechuun jirenyaa addunyaa imala qormataa taate keessatti wanta hojjataa turaniif ni qoratamu. Kanneen akka kufrii, shirkii fi badii gurguddaa birootiif ni qoratamu. Garuu isaan kana ni mormu. â€œNuti warra shirkii hojjatan hin turreâ€ jechuun mormu. Badii isaanii kana ragaa isaan irraa taâ€™een malee hin amanan. Kanaafu, Rabbiin kutaalee qaamaa isaanii dubbachiisuun isaan irratti ragaa taasisa.

Gurri isaanii wanta badaa dhagayeen ragaa isaan irratti baha. Ijji isaaniis wanta badaa argiteen ragaa isaan irratti baati. Gogaan isaaniis wanta isaan tuqaniin ragaa isaan irratti baha. (Fakkeenyaf, fedhii fooni karaa haraamaatin guuttachuu, harkaan badii hojjachuuâ€)

â€œGogaawanisaanitiin, â€œMaaliif ragaa narratti baatu?â€ Jedhu.â€ Kana jechuun azaaba (adabbii) Gooftaa keessanii akka hin qunnamneef isin irraa falmina, isin immoo akkamitti narratti ragaa baatuu? Asitti ijaa fi gurra hin kaasne. Sababni isaas, ragaan gogaa guddaa fi waan hundaa kan haguugudha. Gogaan ijaa fi gurra dabalatee qaama guutuu haguuga.

Gogaanis ni jedha, â€œRabbii wanta hundaa dubbachiisetu nu dubbachiise.â€ Kana jechuun kan isin irratti ragaa baaneef Rabbiin waan nu dubbachiisifi. Rabbiin dandeetti Isaatiin akka dubbannu nu taasise.

Nuti dubbachuu malee homaa gochuu hin dandeenyu. Akkuma wanta hundaa Isa faarsun dubbachiise nulle akka dubbannu nu taasise.

Guyyaa Qiyaamaa akkuma kaassettiin dubbatu, gogaan ilma namaas dubbata. Rabbiin waan hundaa irratti dandaâ€™aa waan taâ€™eeif ijji, gurri fi gogaan akka dubbatan ni taasisa. Kuni Isa irratti salphaadha. Jirbiin (kirriin) kaasseetti wanta ishii keessatti waraabbameen ni dubbatti miti ree? Gogaanis hojii isaanii irraa wanta isa keessatti galmeefameen ni dubbata.

â€œInni yeroo jalqabaa isin uume. Garuma Isaatti deebifamtu.â€ Kana jechuun Rabbiin wantoota hundaa akka dubbatan taasise, siâ€™a jalqabaa irratti wanta lubbuu fi beekumsa hin qabne fi dubbachuu hin dandeenye irraa Kan isin uumeda. Lubbu-qabeenyi beekumsa qaban, dubbattanii fi dubbii isinitti qajeelu hubattan isin taasise. Jirenya addunyaa keessatti warra qoramanii fi dirqamni irra kaaâ€™ame, dhumarratti immoo warra qorannoo, murtii fi jazaa qunnaman isin taasise. Karoora Isaa keessatti imala qormaataa booda akka duutanii ergasii kaayyoo qormaata keessanii akka guuttaniif Guyyaa Qiyaamaa isin kaasuuf ni qindeesse. Erga duutanii booda gara jirenyaa kaafamuun gara Rabbii deebitu. Isin qorachuuf, isin jidduutti murtii dabarsuuf, wanta imala qormaataa keessatti dabarsitaniif jazaa isiniif kafaluuf gara Isaatti ni deebitu.

â€œDhageettin, argituu fi gogaan keessan isin irratti ragaa bahuu irraa of hin dhoksitanu turtan.â€

Kana jechuun hojii akka kufrii, shirkii fi badii gurguddaa birootiin gurra, ijaan fi gogaa keessan irraa of dhoksuu hin dandeessan. Gurri, ijji fi gogaan kutaa qaama keessanii waan taâ€™aniif isaan irraa badii keessan dhoksuu hin dandeessan. Ammas, â€œgurrii, ijji fi gogaan keenya narratti ragaa bahuâ€¢jettanii sodaachuun badii hojjachuu hin dhiistan.

Kaafirranii fi warri badii hojjatan yeroo garii badii hojjachuuf namoota biroo irraa of dhoksu. Garuu gurrii, ijji fi gogaan keenya narratti ragaa bahuâ€¢ jedhanii sodaachuun kutaalee qaamaa kanniin irraa of dhoksuu hin dandaâ€™an. Wantoonni kunniin kutaalee qaama namaa waan taâ€™aniif irraa of dhoksuun hin dandaâ€™amu. Akkasumas, Guyyoota keessaa guyyaa tokko gurri, ijji fi gogaan isaanii isaan irratti akka ragaa bahan hin amanan. Sababni isaas, duâ€™aan booda kaafamutti waan hin amanneef.

â€œGaruu Rabbiin wanta hojjattan baayâ€™ee kan hin beekne taâ€™uu yaaddan.â€ Rabbiin wantoota isin hojjattan irraa baayâ€™ee isaa kan hin beekne gootanii yaaddan. Kuni yaada badaa Rabbiif qabaniidha. Yommuu badii isaanii namoota irraa dhoksan, â€œRabbit irraayis ni dhoksina, wanta nuti addattii fi dhoksaatti hojjannu Rabbit subhaanahu wa taâ€™aalaa hin beeku.â€¢ jedhanii yaadan.

â€œSuni yaadaa keessan kan isin Gooftaa keessan ilaalchise yaaddantu isin balleesse. Kanaafu, warra kasaaran keessaa taatan.â€

Yaanni isin addunyaa irratti â€œRabbit wanta nuti hojjannu baayâ€™ee hin beekuâ€¢jettanii yaaddantu isin balleesse. Kana jechuun yaanni badaan keessan kuni sulula badii, yakkaa fi kufriitti isin kuffise. â€œ**Kanaafu, warra kasaaran keessaa taatan.â€** Kasaaraan faallaa buâ€™aa buufachuuti. Namoonni kunniin waan kafaraniif, duâ€™aan booda kaafamutti waan hin amannee fi badii gurguddaa hojjataniif, Guyyaa Qiyaamaa Jannata dhabuun ibiddatti kufu. Dhugumatti kuni kasaaraa guddaadha. Kasaaraa

isaanii akkana jechuun ibsa:

﴿فَإِنْ يَصْبِرُواْ فَالنَّارُ مَتْهَوٰيٌ لَّهُمْ وَإِنْ يَسْتَعْتِبُواْ فَمَا هُمْ مِنَ الْمُعْتَيْنَ﴾

â€œYoo obsaniis ibiddi teessoo isaaniiti. Yoo ceephoo buufachuu barbaadanis, isaan warra ceephefaman irraayyi miti.â€ Suuratu Fussilat 41:24

Kaafironni diinota Rabbii taâ€™an qorannoo isaanii booda murtiin Rabbiin Jahannamiin akka seenan isaan irratti dabarse hojii irra akka oolu eeggatu. Yeroo kanatti dhimmoota lama jidduutti taâ€™u: Takkaa murtii Rabbiin azza wa jalla isaan irratti dabarsee obsaan fudhachuudha.

â€œYoo obsaniis ibiddi teessoo isaaniiti.â€ Kana jechuun abdi kutanii, gaabbanii fi obsanii yoo calâ€™isan, ibidda iddoo turtii fi qubannaal zalaalamiif keessa turaniidha.

Takkaa immoo tawbaa fi gaabbi isaanii labsuun kufrii fi yakka isaanitiif Rabbiin akka isaaniif araaramu kadhachuudha. Garuu isaan jirenya qormataa osoo hin taâ€™in jirenya jazaa keessa waan jiraniif kuni isaan irraa hin fuudhamu (hin qeebalamu). Kana jechi Rabbii oltaâ€™aa ni agarsiisa: â€œ**Yoo ceephoo buufachuu barbaadanis, isaan warra ceephefaman irraayyi miti.**â€ kana jechuun osoo waqqasaa fi adabbii badii isaanitiif malu isaan irratti murteefame akka isaan irraa kaasuuf Rabbiin kadhatanii, isaan warra Rabbiin kadhaa kana irraa fuudhu keessaa miti. Sababni isaas, isaan diinota Rabbiiti. Jirenya qormataa keessatti Isatti kan kafaranii fi Ergamtoota Isaa kan kijibsiisan turan.[\[7\]](#)

Hima â€œ**Yoo ceephoo buufachuu barbaadanis, isaan warra ceephefaman irraayyi miti.**â€ ilaalchise mufassiroonni ibsa dabalataa walitti dhiyaatu haala kanaan kennanii jiru:

-Osoo Rabbiin gammachiisuu fi sababoota dhiyefachuuf yaalanii, homtu isaan irraa hin fuudhamu. â€œ Hojii gaggaarii hojjachuuf addunyatti deebiâ€™uuf osoo kadhatanii, kadhaan kuni isaan irraa hin fuudhamu (hin qeebalamu).[\[8\]](#) Namni addunyaa keessa osoo jiruu Rabbiin gammachiisuuf yoo carraaqe fi sababoota dhiyefachuun araarama yoo Isa kadhat, Rabbiin subhaanahu wa taâ€™aalaa isatti gammada, ni araaramaaaf. Garuu Guyyaan Qiyaamaa yeroo jazaa waan taâ€™eef Isa gammachiisuf carraaqu fi sababoota dhiyefachuun nama hin fayyadu.

Kitaabban wabii

[\[1\]](#) Maâ€™aariju tafakkuri-2/484-485[\[2\]](#) Maâ€™aariju tafakkuri-2/485[\[3\]](#)

<https://www.englishtafsir.com/Quran/75/index.html#sdfootnote10sym>[\[4\]](#) Maâ€™aariju tafakkuri-2/486

[\[5\]](#) Madda olii[\[6\]](#) Maâ€™aariju Tafakkuri wa daqaaâ€™iqu tadabbur-14/505-506[\[7\]](#) Maâ€™aariju tafakkuri-12/490-494, akkasumas, hamma taâ€™e Tafsiiru Qurâ€™aanil kariim-Tafsiiru Suuratu Fussilat, Ibn Useymiin, fuula-119-120, 123[\[8\]](#) Tafsiiru Ibn Kasiir-6/522

Date Created

December 27, 2019

Author

admin